

PM-MKB

प्रधानमंत्री नरेन्द्र मोदी होरें अज्ज अपने महावार रेडियो कार्यक्रम मन की बात राएं देश विदेस च रौहने आहले लोकें कन्ने अपने विचार सांझा कीते। अपने अज्ज आहले प्रोग्राम च उनें इक बारी फीह बक्ख बक्ख विशें पर गल्ल बात कीती। अपने अज्ज ले कार्यक्रम च उनें इसरो दे हाल दे मिशन बारे गल्ल कीती। उनें आक्खेआ जे पिच्छले म्हीनें इसरो 100में मिशन दा साझी बनेआ .एह छडा इक नम्बर नेई ऐ सगुआं एहदे कन्ने अंतरिक्ष विज्ञान सरबंधी नित नमिएं उचाईएं गी छूनें दे साहडे कल्प दा पता लग्गदा ऐ। उनें आक्खेआ जे इसरो दी सफलताएं दा दायरा बडा बड्डा ऐ ते पिच्छले 10 बरें च 460 उपग्रहें दा प्रक्षेपण कीता गेआ। इसदे च दुए मुख्खें दे उपग्रह बी शामिल हे। हाल दे बरें च इस क्षेत्र च महिलाएं दी हिस्सेदारी बी बडी मती बदी ऐ। अपने अज्ज आले मन की बात कार्यक्रम च उनें ओन्दे राष्ट्रीय विज्ञान दिवस बारे बी गल्ल कीती। उनें आक्खेआ जे साहडे बच्चे दा ते युवाएं दा विज्ञान प्रति रुझान होना बडा जरुरी ऐ ते एह बडा गै मायनें रक्खदा ऐ। इस्सी लेईए उनें अपने इक विचार गी बी सांझा कीता। उनें आक्खेआ जे इक दिन वैज्ञानिक दे तौर पर गुजारिएं दिक्खना लोडचदा। हर कोई अपनी सुविधा मूजब इक दिन चुनी सकदा ऐ ते एसे दिन तुसें गी लैव या स्पैस सेन्टर जनेई जगहें पर जाईए दिक्खना लोडचदा। इयां करने कन्ने विज्ञान प्रति जिज्ञासा होर बढौग। अपने अज्ज आले प्रगोराम च उनें आर्टिफिशल इन्टैलिजेंस दी बी गल्ल कीती। उनें आक्खेआ जे एह इक ऐसा क्षेत्र ए जेदे च भारत अपनी बक्खरी पन्थान बना र दा ऐ। उनें आक्खेआ जे हाल च गै ओह इस सरबंधी सम्मेलन च हिस्सा लैने लेई पैरिस गेदे हे। उत्थे इस क्षेत्र च भारत दी प्रगति दी बडी मती सराहना होई। 8 मार्च गी ओन्दे महिला दिवस बारे गल्ल करदे होई प्रधानमंत्री होरें आक्खेआ जे इस बारी ओह इस दिन इक एसी पैहल करन जा र दे न जडा साहडी नारि शक्ति गी समर्पित होग। इस खास मौके पर प्रधानमंत्री होर अपने सोशल मीडिया मंच जिया एक्स, इन्स्टाग्राम, एक्आऊंटस गी मुख्ख दी प्रेरक महिलाएं गी इक दिन लेई सौपंडन। इस दिन ओह अपने अनुभव ते अपने कम्मे गी देशवासिएं कन्ने सांझा करडन। प्लेटफार्म बेशक प्रधानमंत्री हुन्दा होग पर इनें मंच पर एह महिला अपने अनुभव, उपब्धियां, चुनोतियां ते कम्में गी सब्बनें कन्ने सांझा करडन। राष्ट्रीय खेडें दी गल्ल करदे होई प्रधानमंत्री होरें आक्खेआ जे इनें खेडें च

घट्ट उमरी दे बच्चे दा प्रदर्शन हैरान करी देने आह्ला हा। 15 बरें दे निशानेवाज एगविन एंटनी, यूपी दी हैमर थ्रो खडारी 16 बरें दी अनुष्का यादव, ते मध्य प्रदेश दे 19 बरें दे पोल वालटर देव कुमार मीणा होरें साबित करी दिता ऐ जे भारत दा खेडें सरबंधी भविष्य बडी गै होनहार पीढी दे हत्थें च ऐ। उनें फिट इन्डिया दी बी गल्ल कीती। उनें आखेआ जे फिट ते सेहतमंद राष्ट्र बनने आस्तै ओवसिति दी सनमस्या कन्ने निबडने दी बडी मती लोड ऐ। इक स्टडी मूजब अज्ज 8एंचा इक व्यक्ति इस समस्या करी परेशान ऐ। मता वजन केई सारी समस्याएं गी पैदा करदा ऐ। एदे पर पार पाने दी लोड ऐ।

<><><><><><>

Jitendra Singh

केन्द्री राज्य मंत्री डाक्टर जितेन्द्र सिंह होरें खरो इलाज—मुआलजे लेई सरकारी ते गैर—सरकारी अस्पतालें बशकार बेहतर तालमेल पर जोर दिता ऐ। उ'नें आखेआ ऐ जे आपसी तालमेल दे चलदे गै निजी अस्पताल कामयाब रेह न। डॉक्टर सिंह होरें आखेआ ऐ जे केन्द्र सरकार अस्पतालें ते नर्सिंग होम बशकार सैहयोग गी बढ़ावा देआ करदी ऐ तांजे दूर—दरेडे इलाकें दे लोकें गी बमारियें दी रोकथाम च मदद मिली सकै। उ'नें एह गल्ल कल जम्मू—कश्मीर दे अखनूर च नीलकंठ हेल्थ केयर एण्ड हॉस्पिटल दा उद्घाटन करदे होई आखी। डॉक्टर सिंह होरें इब्बी आखेआ जे राष्ट्री जनतांत्रिक गठबंधन—एन.डी.ए. सरकारै देशै च डेढ़ लख आरोग्य केन्द्र खोले न। उ'नें दस्सेआ जे आयुष्मान भारत दुनिया दी सम्मनें शा बड्डी सेहत बीमा योजना ऐ।

<><><><><><>

Dy. CM-GMC

उपमुख्यमंत्री सुरिन्दर चौधरी होरें जम्मू दे सरकारी मैडिकल कालेज दा दौरा लाया ते अस्पताल दे कम्मकाज ते उत्थें दित्ती जा'रदी सहूलतें दा जायजा लैता। उनें मरीजें गी दित्ती जा'रदी सहूलतें ते डाक्टरें ते नीम डाक्टरी अमले दी स्थिति दा जायजा लैता। चौधरी होरें आखेआ जे इस गल्ला लेई हिदायत जारी कीती दी ऐ जे लोकें गी सार्वजनिक सेवा खास करी सेहत सरबंधी दिक्खमाल आली सेवा बिजन कुसै रूकावट जां परेशानी दे हासल होनी लोडचदी। उपमुख्यमंत्री होरें दोहराया जे सेहत सरबंधी दिक्खमाल सरकार दी पैहली प्राथमिकता ऐ।

<><><><><><>

Anti-Terror Operation

सुरक्षा बलें कल जम्मू खित्ते च केई सारी थाहरें पर आतंकवाद रोधी अभियान शुरू कीते। एह अभियान किश इलाके च संदिग्ध नकलो हरकत दिक्खे जाने मगरा चलाए गे। तपाशी अभियान राजौरी ते पुंछ जिले दे अलावा उधमपुर-कठुआ आले इलाक। पहाड़ी जिले डोडा ते किश्तवाड़ सने कब्जा रेखा कन्ने लगदे जंगली इलाके च चलाए गे।

<><><><><><>

India Pak Match

मर्दे दी आईसीसी चैंपियंस ट्रॉफी क्रिकेट टूर्नामेंट च भारत दा मुकाबला अज्ज दपैहरी दुबई अंतराष्ट्री स्टेडियम च रिवायती हरीफ पाकिस्तान कन्ने होग। एह मैच भारती समें मताबक दपैहरी ढाई बजे थमां खेड्ढेआ जाहग। रोहित शर्मा दी अगुवाई च भारती टीम नै जंदे बुधवारें बंगलादेश दे खलाफ 6एं विकेटें दी जित्त कन्ने चैंपियंस ट्रॉफी च अपना अभियान शुरू कीता हा। दुई बक्खी पाकिस्तान गी ओहदे पैहले गै मैच च कराची च न्यूजीलैंड दे हत्थें 60 रन्जें दी शिकस्त झल्लनी पेई ही। जेकर अज्जै दे मैच च भारत जित्ती जंदा ऐ तां इक चाल्ली कन्ने सेमीफाइनल लेई ओह अपनी थाहर पक्की करी सकदा ऐ ते जेकर पाकिस्तान नै इस प्रतियोगिता च बने दा रौहना ऐ तां उसी अज्जै दा मैच हर हाल च जित्तना गै होग।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>